

miner / herrschafft von österich. Besigelten schaffen solt. von
 minen Brüder allen drigen. Byschoff hartmann⁴ / von Cur.
 wolfen⁵ vnd vlrichen durning⁶ von Brandis frygen, von
 der tading vnd des lipdings wegen / So ich von der selben miner herr-
 schafft von österrich vff genomen hab. vmb die vesti Jagberg⁷ /
 vnd och ändrũ stukk lût vnd gũter. nâch der tading brief lut vnd
 sag. .die wir ze baider syt. dârumb gen enander habint. Vnd als aber
 ich dârvmb in zwyfel stân. vnd mich nit versinnen / noch bedenken
 kan. ob ich miner herrschafft den selben brief vormalis in den tadin-
 gen. gelopt / han. Besigelt ze schaffent oder nit. Sol mânglichem ze
 wissent sin. das der obgenant lantvogt / vnd ich. des mit enander vber-
 ain komen sigint. das ich vmb die selben sach. gen der obgenanten /
 miner herrschafft. ze tagen komen sol gen Baden in die Statt. vff
 den nâchsten künfftigen Sant / Gõryen tag. als man den. jn Co-
 stentzer Bystum haltet vngevârlich. der nv schierost kunt nâch /
 dât dis briefs. Mit sôlicher beschaidenhait. jst das min herr von
 österrich. sin lantvogt. ald wer denn sin stätt. dârumb ze Baden
 haltet. kuntlich machen bewysen vnd fûrbringen mugent / als zitlich
 vnd gewônlich ist. das ich den obgedâchten brief. von minen Brüdern
 Besigelten / schaffen soll. des sol ich och denn ân all widerred verual-
 len vnd gebunden sin ze tûnd. vnd es och / vnuerzogenlich schaffen ge-
 tân. by minen gûten trûwen ân all gevârd. Sunderlich ist och hierinne /
 namlich beredt vnd gedinget. Wâr das ich vff den vorgenanten Sant
 Georyen tag mit min / selbs lib. also nit zû dem tag gen Baden kâm.
 vnd mich och selber da entzwûschent nit bedacht / hett. daz ich den
 brief Besigelt schaffen wolti als och hierinn beredt ist. Vnd das ich
 das durch / mûtwillen verzug. vnd vor miner herrschafft denn nit kunt-
 lich fûrbringen môcht. das mich Redlichũ / Ehafftigũ not dâran gesumbt
 hett. So sol ich denn aber ân all widerred veruallen vnd gebunden / sin.
 den obgedâchten brief von minen brüdern allen dryn vnuerzogenlich
 Besigelten ze schaffent / in der wyse. als da vor geschriben stât ân all
 geuârd. wenn ich des von minem herren von österrich / von sinem
 lantvogt. ald von jren gewissen Botten. dârumb ermant wirt mit brie-
 fen ald vnder ôgen / Vnd des alles ze wârem vnd offem vrkûnde vnd ze
 ainer stâten vesten sicherhait. So hab ich vrogenanter/Grâf hain-
 rich². min jnsigel gehenkt an disen brief. Vnd han och ze merer
 sicherhait gebetten. den/ Erwardigen herren. jn Got. Abbt Cûnen⁸.
 Abbt des Gotzhuses ze Sant Gallen. vnd och die woler- / bornen